

畫，後被剝離耳。我曾掘最北一洞，其底爲乾草與牛糞，蓋已久空無一物，爲居民堆積柴薪及喂養牛馬之所矣。次日，又單騎訪萌木克舊城。萌木克莊在奇盤莊東南山中，由奇盤東南行七十里，至西河里莊，均爲山道，莊臨提仔拉普河東岸。又五十里，向南沿河行，約十餘里至萌木克石城。城在河西岸，面臨提仔拉普河。河向東北流，牆依山爲垣，西南、南、東三面臨河。有小城垣，高十餘丈，東牆長一六五米，以石疊之。西有土墩一座，蓋爲守望之所。往西里許，有一村落，名庫木土塊，約五十餘家，城名米仔也甫伯克，相傳在清中葉爲伯克所築，與葉城東十餘里阿西木土塊之可剛，均爲一時所建。此地未發現任何遺物，連陶片亦不見，蓋爲近代之物。縣署所藏在石城旁所發現之字磚，當亦近代物也。二十二日乃繞道阿子安山回奇盤。阿子安山在奇盤莊南百餘里，山勢陡峻，懸岩絕壁。南四十餘里爲柯爾塔克，終年積雪，阿子安水發源其南，北流經阿子安山，故稱阿子安水。下流爲奇盤河，流于奇盤山中。奇盤山山勢莽平，土阜起伏，居民咸散布于山阜中，以牧畜爲業，兼營耕殖。舊地圖總名奇盤山誤也。

(二) 喀什噶爾河畔之古址

吾人在奇盤山考察完後，西北行至澤普，渡葉爾羌河，循大道經莎車、英吉沙，而至喀什噶爾。喀什噶爾舊設疏勒、疏附兩縣。疏勒設新城，疏附設舊城，兩城相距約十公里。馬路平直，樹以柏楊，溝渠縈迴，房屋鱗比，在新疆市鎮中，除伊犁外，當推喀什爲首，現喀什設專署，疏附移設托庫托克。在歷史上疏勒亦爲重鎮。漢通西域以疏勒爲北道終點，出疏勒則至大宛、安息。故疏勒在漢時有列市，以爲東西物質交流之樞紐。唐在西域設四鎮，疏勒亦爲四鎮之一，唐末回鶻西遷，其西徙之一支，會同土著之突厥民族，建立王國，以薩特克布古拉汗爲首之喀拉汗朝，即建都于此。有喀什噶爾河發源於葱嶺山，東流經喀什城西北，分一支流，繞至城東合爲一河，亦名克子爾河。紅水之義。新唐書稱爲赤河。現東流至巴楚已斷流。另一大河爲蓋孜河，亦發源於葱嶺山中。有兩源：西爲木吉河，西南爲雅滿雅爾河，流至疏勒縣境合爲蓋孜河，東流灌疏勒岳普湖兩縣地，餘水入沙。西域水道記稱：「雅滿雅爾河與克子爾河合」，誤也。喀什噶爾正因有兩河流貫其境，故水草豐饒，民物殷阜，在南八城中，以喀什爲最富。余等在喀什停留二日。參觀城中古蹟，開始返行，順便考查沿途古蹟（註十）。

1. 伽師之古址 二十四日由疏勒出發，沿大道東行，經雅滿雅爾驛，次日即至伽師縣。本地名牌素窪提。二十六日至英爾瓦特。在牌素窪提與英爾瓦特途中，有古址二處。

(1) 托卜沁 在牌素窪提之東，西距牌素窪提約二十里，阿西克欄干附近。城中已闢爲田園，檢無遺物，城牆已頽，現存者